

Ze barri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2003ko abenduaren 19a / 150. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: S5200/99

Herriko erakusleihorik politenek eta orijinalenek saria jasoko dute aurten ere

AMAGOIA LASAGABASTER

Abian da Udaleko Kultura batzordeak antolatutako erakusleihen lehiaketa. Beste behin ere, Gabonetako apaingarriekin osatutako erakusleihorik politenek jasoko du saria. Aurten, gainera, txapelketan parte hartzeko ez dago izena eman beharrik.

Gabonak girotzeko eta herriko saltokietan kontsumoa bultzatzeko asmoz antolatu dute aurten ere erakusleihen lehiaketa. Eguaztenean, hilak 17, amaitzen zen parte hartzeko aukera. Egun horretatik aurrera, txapelketa irabazi gura duten guztiek apaindurik eduki behar dituzte erakusleihoak. Sariak, berriz, abenduaren 31 baino lehenago emango dituzte.

PARTE-HARTZEA

Udal Kultura batzordeak duela bost urte antolatu zuen aurreneko Gabonetako erakusleihen lehiaketa. Orain arte, parte hartu gura zuten dende izena eman beharra zeukaten. Aurten, berriz, Gabonetako apaingarriekin osatutako edozein erakusleihok jaso dezake saria. Iaz, esaterako, hamar bat denda ibili



Santa Ana auzoan dagoen Dorleta liburu dendak irabazi zuen iaz erakusleihen lehiaketako lehenengo saria.

ziren lehian, baina aurten ez dago jakiterik zenbat izango diren. Hori xe esan digu Arantxa Untzueta Kultura teknikariak. Edonola ere, guztiek, baina, urtarrilaren 6ra arte

izan beharko dituzte erakusleihok apaindurik.

Sariei dagokionez, hiru egongo dira: lehenengoa 210 eurokoa, bigarrena 150 eurokoa eta azkena

90 eurokoa. Irabazleak aukeratzeko epaimahaian Kultura batzordeko kideak, kultura zinegotzia eta artearekin harremana duten hiru herritar egongo dira.

Lehiaketaren helburua da Gabonak girotzea eta herriko saltokietan kontsumoa bultzatzea

Aurten, Gabonetako apaingarriekin osatutako edozein erakusleihok irabaz dezake saria

Kultura batzordeko kideak, kultura zinegotzia eta hiru herritar egongo dira epaimahaian



Giro ederrean inauguratu zuten parrokia

Eguraldiak ez lagundu arren giro ederra izan zuten apotzagarrek joan den domekan. Auzotar gehienak eta eskoriatzar ugari hurbildu ziren Apotzagara. Joan Maria Uriarte Donostiako elizbarrutiko gotzainak esan zuen meza, baina izan zen Monakotik etorrita aldarean lagun izan zuenik ere. Izan ere, Bittor Zubizarreta apotzagarra Monakoko lana egun batzuez utzi eta inaugurazio ekitaldian izan zen. Meza-ren ondoren 105 lagun elkartu ziren Auzoetxe elkartearen elkarrekin bazkaltzeko.

LABUR

ZE BARRI? aldizkariaren 150. zenbakia

ZE BARRI? URLATIK LANDETARA Gatzaga eta Eskoriatzako herri aldizkariaren lehenengo zenbakia 1996ko ekainaren 26an argitaratu zen. Axtroki eta Pagedar euskara elkarteek bultzatu zuten ekimena. Hilabetekaria zen aldizkaria aste-kari bihurtu zen Goienaren baitan sartu zenean. Itxura ere aldatu zuen; izan ere, 2001eko urriaren 19az geroztik, egunkari formatuan jasotzen dugu astekaria. Aste honetakoarekin 150. zenbaki biribila bete du ZE BARRI? aldizkariak.

135 LAGUNEK EGIN DUTE EHNA



AINZANE GARDOKI

Eskoriatzar ugari hurbildu zen udaletxera EHNA egitera joan den domekan.

Uste baino EHNA agiri gehiago tramitatu zituzten Eskoriatzan

AINZANE GARDOKI

Abenduaren 14an Euskal Herrian EHNA tramitatzeko egun nazionala egin zen. Eskoriatzan EHNA tramitatzeko ekitaldia udaletxeko osoko bilkura aretoan egin zuten. Jai giroa nagusi izan zen trikiti eta txalaparta soinuekin.

Herritar ugari -135- hurbildu ziren udaletxeraino EHNA egiteko. "Oso pozik gaude herritarrek emandako erantzunarekin. Gatzaga, Aramaio, Gasteiz, Eibar, Zarautz eta Oñatiko lagun batzuek ere gurean tramitatu zuten EHNA. Goizean ibili zen jende gehien", esan digu Bai Euskal Herriari tal-

deko kide Lorea Agirianok. "Eskoriatzako bi hilabeteko umetxo bati egin zioten gurasoek EHNA. Bera da Eskoriatzan EHNA duen pertsonarik gazteena", esan digu Loreak.

Dena dela, aurrerantzean ere gura duten herritarrek izango dute EHNA tramitatzeko aukera. Udaletxean egin ahal izango da EHNAren tramitazioa astelehenetik egubakoitzera 10:00etatik 13:00etara eta eguenetan, 15:00etatik 17:00etara.

Bai Euskal Herriari taldeak eskerrak eman gura dizkie EHNAri babesa eman dioten Udalari, alderdi politikoei eta herriko talde eta elkartei.

LABUR

Apotzagatik jaitsi ondoren, kalez kale ibiliko da aurten ere Olentzero

Olentzero egunean herriko umeek eguerdian izango dute lehenengo hitzordua. Plazan elkartu eta Trikitixa eskolako ikasleekin kalejira egingo dute eta Gabon kanta kantatuko dituzte. 13:00etatik 14:00etara bitartean Olentzeroren laguntzaileek umeen kartak jasoko dituzte. 17:30ean, Apotzagatik datorren Olentzerori agurra egin eta gero, herritarren laguntzarekin kalez kale ibiliko da Olentzero. Goizean eta arratsaldean gaztaina erreak izango dira plazan. Eguaztenean base-ritar jantzita irteteko eskatu gura diete herritarrei antolatzaileek.



Elkartasun meza eta afaria Atxorrotzek

Domekan, hilak 14, Eskoriatzako Atxorrotz gobernuz kanpoko erakundeak antolatuta elkartasun meza egin zuten herriko parrokan. Gaur, egubakoitza, berriz, elkartasun afaria egingo dute gura duten herritarrek Apotzagako Auzoetxe elkartean. Afarian parte hartzeko 80 lagunek eman dute izena. Abian dituzten proiektuak bultzatuko dituzte jasotako diruarekin.

TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Arizmendi-Jose Arana	943 77 20 25
Arizmendi-Almen	943 77 20 25
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59


BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

'PAKITA' ANTZESLANA GAUR
Gaur, egubakoitza, Txalo produkzioen eskutik *Pakita* antzezlanak ikusi ahal izango da HUHEZIn, 22:00etan.

GABONETAKO KONTZERTUA
Etzi, hilak 21, Musika Eskolako Bandak Gabonetako kontzertua emango du parrokan, 13:00etan.

OLENTZERO EGUNA
Gogoratu Olentzero jaitziko dela basotik eguaztenean.



Gustora egoteko!

Intxaurtxueta 8
ESKORIATZA
943 71 40 63



Aranburuzabala 22, behea
ESKORIATZA
Tel.: 943 71 51 20

Txalaparta taberna



Aranburuzabala 25
ESKORIATZA

Ze barri?

Izan zaitez zeu ere berriemaile!

Zure taldearen, auzoaren, elkartean... gainera informazioa emateko, deitu gurera!


943 79 86 21

TOKI ALAI TABERNA

Karajiloetan espezializatua

Tel.: 943 71 47 29
ESKORIATZA

BEIRALAN KRISTALDEGIA



- Ispilu bizelatuak
- Ateentzako beirateak
- Beirate grabatuak eta landuak
- Bainugelako altzari eta manparak
- Neurri zehatzetarako armairuak
- Enmarkazioak
- Lantegietako mantenimentua
- Beiran naiz metakrilatoan neurrira eginiko edozelango lanak

Herriko plaza 8, behea • Aretxabaleta • 943 79 81 78 / 670 997 274


INKERNU TABERNA Kulturgunea

Kafe-tertuaiak erakusketak antzerkiak monografikoak...

Danona eta danontzat

Etor zaitez!

Hidalga 5 Eskoriatza



AZKOAGA ESTANKOA

943 71 48 77
Zure Zerbitzura

Villar eta Heriz eskoriatzarrak nagusitu ziren Gatzagako Pilota Txapelketan

AINTZANE GARDOKI

Abenduaren lehenengo asteburuan jokatu zuten aurtenko Gatzagako Pilota Txapelketa.

Hamaika bikotek hartu zuten parte aurtenko txapelketan. Villar eta Heriz eskoriatzarrak izan ziren guztien artean onenak. Bigarren postuan, berriz, Txarrantxa eta Bengoa gelditu ziren. 22-16 irabazi zuten eskoriatzarrak. Hirugarren lekuan Ibai eta Joseba geratu ziren, Beloki eta Unairi irabazita. Partidua 18 tantora jokatu zuten eta lehenengo bikoteak 18-13 irabazi zien Beloki eta Unairi.

Aurtenko Gatzagako Pilota Txapelketa bi egunean jokatu zuten pilotariek. Lehenengo egunean kanporaketa sistema erabi-

li zuten bikoteek. Bigarren egunean, aldiz, finalurrekoa eta finala jokatu zituzten. Tartean herriko gaztetxoek ere maila ederra erakutsi zuten pilotan. Odixek eta Antuñanak 18-13 irabazi zieten Lurri eta Aitorri.

Antolatzaileen esanetan oso giro polita egon zen herrian bi egunetan. "Eguraldiak lagundu arren, sua egin genuen eta intxaurrak eta mazapanak jarri genituen herritarrendako. Horrek beti laguntzen du-eta giroa animatzen", esan digu Belokik.

Sari ugari banatu zituzten pilotarien artean. "Hamaika bikoteondako egon ziren sariak. Hori ez da oso ohikoa. Jendea pozik zegoen", gaineratu digu Belokik. Gero, gainera, afaria egin zuten pilotari guztiek Gaztañuzketan.



MAITE BEITIA

Abenduko lehenengo asteburuan jokatutako txapelketan maila ona erakutsi zuten pilotariek, eta herrian giro polita jarri zuten.

"Sua egin genuen, eta intxaurrak eta mazapanak jarri genituen herritarrendako"

"Hamaika bikoteondako egon ziren sariak. Hori ez da oso ohikoa, jendea pozik zegoen"



Emaitzarik onenak lortu ditu Lurdesek

Kutzak Gipuzkoako ikasle onenak saritu ditu aurten ere. Gipuzkoako 28 ikasle onen artean Gatzagako Lurdesek Etxeberriak ere jaso zuen sari preziatua. Lurdesek sari hori existitzen zenik ere ez omen zekien, baina gustura hartu omen du saria. Izan ere, Gabonak primeran pasatzeko 1.350 euroko diru saria jaso du Lurdesek. Bi urtez lana alde batera utzi eta Hizkuntzen Psikopedagogia ikasketak amaitu ditu HUHEZIn. Bere promozioiko emaitzarik onenak lortu ditu. Zorionak!

LABUR

Txizalekuko bihurtzea konpontzeko lanak egiten ari dira azkeneko asteotan

Txizalekuko bihurtzean eta inguruan errepideak behera egin du aspaldian. Lur azpiko presa bat apurtu zenetik lurrak mugitu egiten dira. Gipuzkoako Foru Aldundiko langileak hiru lekutan, behintzat, zuloak egin eta harri izugarri handiak sartzen ari dira. Lurrak egiten dituen mugimenduak ekidin eta lurra egonkortu gura dute lan hauek eginda. Datozen asteetan amaituko dituzte lanak.

Eusko Jaurlaritzak KZGunea zabalduko du Gabon ostean Gatzagako Garro jauregian

Mendikoi, Eusko Jaurlaritzako Landa Garapenerako Institutuko Mendinet autobusa Gatzagan izan da oraintsu. Herritar ugari hartu zuten parte Mendikoik eskaintako teknologia berrien gaineko ikastaroetan. Gabonetako opor ostetik aurrera, ibarreko beste herrietan moduan, Gatzagak ere KZGunea izango du. Garro jauregiko hirugarren solairuan, liburutegian, zabalduko dute KZGunea berria. Lehenengo herritarrek eman dute dagoeneko ikastaroetan parte hartzeko izena. Beraz, izena emateko epea zabalik dago.

ALZA

- Sukaldeko Bateriak
- Lapiko Lasterrak
- Zartakin eta Paeilaontzi itsasgaitzak

Aingeru Ibiltoki 3
Tel.: 943 71 41 31 Eskoriatza 20540

LENIZ, C.B. KONPONKETAK

LENIZ
ESKORIATZA

TXAPA, MARGOA eta MEKANIKA

SUZUKI

Aingeru Ibiltokia z/g. • Tel.: 943 71 50 61 • Eskoriatza

NAIRA
Taberna

Aranburuzabala 16
Eskoriatza. 943 71 46 71

www.forumsport.com



Badago ez daukagun opari bat

elurra

SPORTLAND
FORUM SHOPS

KIROLA ZEURE ESKURA

Sportland Arrasate. Garibai Etorbidea, 2-6

Aretz
taberna



.Gosariak

.Pintxoak

.Plater konbinatuak

.Otartekoak

.Pizzak

.Hanburgesak

.Sandwichak

.Oilasko erreak

.Kazuelatxoak

ONDO IBILI GABONETANI!

ORDUTEGIA:

Astelehenetik ostiralera

9:00etatik zabalik

Astebukaeretan

11:00etatik aurrera

Markole 5 behea Tel.: 943 79 14 67 ARETXABALETA

AITZORROTZ

elektronika



- Automatismoak eta mantentze-lanak
- Instalazio elektrikoak
- Atezainak eta antena kolektiboak
- Salmenta eta konponketa
- TB-AUDIOA-BIDEOA salmenta eta konponketa
- Canal Satélite Digital
- Via Digital
- Telefonía
- Informatika
- Argiztapena



AITZORROTZ elektronika

Otalora 14 Tel: 943 79 16 10 Aretxabaleta

ARANZABAL koop. elk. elektrizitatea

Zerkaosteta 15 Tel: 943 79 68 21 Arrasate

Zorionak denoi!